

Preschantaziun dal musical «Anatevka»

Scoula Rudolf Steiner Amo spettan costüms e requisits. Ma bainbod esa uschè inavant: Quai chi'd ha dovrà üna preparaziun intensiva i'l cuort temp daspö cha la scoula es darcheu pussibla, vain muossà al public cun duos ra-

preschantaziuns illa sala da festa da la Scoula d'Avrona a Tarasp in venderdi, ils 19 gün, a las 19.00, ed in dumengia, ils 21 gün, a las 16.00. I vegnan resguardadas las masüras da protecziun dal UFS.

Ils uffants e giuvenils da la 4. - 8avla classa da la Scoula Rudolf Steiner a Scuol s'han ingaschats plainamaing las ultimas quatter eivnas cun prouvas da chant e da gö suot la directiva da lur magistras Dagmar Scherzer ed Elisabeth Ritsch. Els han imprais texts e canzuns, han exercità scenas e's remarchà sequenzas. Cul magister da disegn e pittüra Helmut Wallnöfer han els realisà purtretts da scena uschè cha actualmaing pon els far las ultimas prouvas ad Avrona.

I's tratta pro «Tewje e seis uffants» d'üna versiun scurzida dal musical

cuntschaint «Anatevka», realisada ed adattada da la magistra da classa da la 6. - 8avla, Dagmar Scherzer eir a bsögns individuals.

Il toc dà ün'impreschiun da la vita dals güdeus in Russia al cumanzamaint da l'ultim tschientiner. Tema es il müdamaint da tradiziuns veglias chi fuorman la cumünanza e domineschan la vita privata e sociala als bsögns dals dis da decider sves e tour per mans l'agen destin in möd activ ed autonom.

La Scoula Rudolf Steiner Scuol festagescha quista stà seis 20avel on d'existenza. La cumünanza da scoula chi s'ingascha actualmaing per gnir ad ün agen stabilimaint da scoula, s'allegra da pudair biygnantar ad Avrona ün public numerus. (protr.)

Da der a fit a **Zuoz** a partir dals prüms lügl u seguond curvegna, in quartier Vuorcha, abitaziun clera e quietta da

2 stanzas

chadafö separeda e bagn

fr. 1100.- / al mais / tuot inclus
(garascha per auto fr. 100.-)

Tel. 079 733 28 71